

## Диктант 1

### Кимэт хятэл

1. Алэна нух питсэмэн, лэсмэн-йаһысэмэн. 2. Йайэм ики лөмөтлылэс, ким  
этэс, нымэлнүл ваттэс па вөнта ши вулылал каншты шөшмэс. 3. – Нәһ, – лупэл,  
– йулэн омса, хөн вўлылам йухэтлэт, пөшаса луңлэт, нәһ пөшас овэн ләп төхрә.  
4. Щитлэн лўв вўтлы ши мәнэс. 5. Ма, йулэн хәщэм хө, йәм кәм хўв карты көр  
пўнэлэн хошмалтыйәлман омэссэм, щәлта лөмөтлыийәлсэм па ким ши етсэм.  
6. Нўки хотэл мухәлайә пөшәс лыпийәнвўлы йўкана тывәлт-тухәлт леваса ши  
шөшиләлэм. 7. Хөләнтлэм – нәмәлт сый әнтө, вантыйәллэм – вўлы па әнтө. 8.  
Камән шеңк ишки вөс, потты ши питсайәм. 9. Нумәс версәм тўтыйўх сәвәрты.  
10. лайәм әләмәсәм па ши нарәмсәм әвтәм йўх шөпәт ара лоңхитты. 11. Сора  
йўх шөпләм хуласәт, тўтыйўхләм йәмсыйәва пайә пунсәлләм. 12.  
Хөләнтийәлләм, вантыйәлләм – нәмәлт сый ән сатьәль, вўлы па әнтө. 13.  
Тўтыйўх тәхты әләмәсәм, йухи луңсәм, көрәм әлсәм па, хошмәлтыйәлман, ши  
омәсләм. 14. Щиты омәстем са, хөләнтийәлләм, камән вўлэт ши шөшийәлтәл  
сатьәль. 15. Ким етсәм, маттырән, вўлэт хөнтты пөшаса луңәтьлэмәл па ин  
айәлта ким ши шөшлэт. 16. Ма пәста пөшас ов төхәрты хөхәлмәсәм. 17. Хута  
лоль, вўлэтән хәщ ши пөрәнтсайәм, иса ким хөхәлман, навәрман ма мухтәма  
мәнлэт. 18. Йә, муй верты? 19. Щиты ши пөшас ов хонәһән атәлт, ольмәм лўк  
иты, лольләм, нумсәмән мәнәт лавәттәман.

(199 слов)

А. М. Сенгепов щирән.